

Visoki predstavnik se sastao s austrijskim ministrom odbrane i sporta



Visoki predstavnik Valentin Inzko sastao se danas s austrijskim ministrom odbrane i sporta Geraldom Klugom u Sarajevu. Razgovarali su o trenutnoj političkoj situaciji u zemlji, a posebno o obavezi bosanskohercegovačkih vlasti da u potpunosti ispoštuju Mirovni sporazum i o novoj fazi u nastojanjima Bosne i Hercegovine da se pridruži Evropskoj uniji putem nedavno potpisanog programa reformi.

Visoki predstavnik je pohvalio napore koje Austrija poduzima s ciljem unapređenja mira i prosperiteta u Bosni i Hercegovini preuzimanjem političkih, ekonomskih i vojnih obaveza: „Austrija je odigrala značajnu ulogu u poslijeratnom razvoju Bosne i Hercegovine, a ja se nadam da će tako i nastaviti. BiH treba prijatelje, a Austrija se pokazala kao pravi prijatelj, s obzirom da je jedan od najvećih stranih investitora u BiH i s obzirom na njeno sudjelovanje u mirovnim misijama.“

Visoki predstavnik Inzko je jasno rekao da je referendum u RS ozbiljno i direktno osporavanje Mirovnog sporazuma koje se mora ostaviti po strani i izrazio nadu da će nova evropska inicijativa za BiH ponovno pokrenuti reforme na koje se predugo čeka i da će BiH uskoro nastaviti s ostvarivanjem napretka na svom evroatlantskom putu.